



"REGIONALNA DEPONIJ A MOŠĆANICA" d.o.o. Zenica

**IZVJEŠTAJ O RADU
NADZORNOG ODBORA**

**PRIVREDNOG DRUŠTVA
"REGIONALNA DEPONIJ A MOŠĆANICA" D.O.O. ZENICA
U 2023. GODINI**

Zenica, april 2023. godine

"REGIONALNA DEPONIJ A MOŠĆANICA" D.O.O. ZENICA
- NADZORNI ODBOR-

Na osnovu člana 257. Zakona o privrednim društvima ("Službene novine Federacije BiH", broj 81/15) i člana 29. Statuta Privrednog društva "Regionalna deponija Mošćanica" d.o.o. Zenica, Nadzorni odbor Privrednog društva "Regionalna deponija Mošćanica" d.o.o. Zenica podnosi, Gradonačelniku Grada Zenica koji u ime Osnivača vrši poslove Skupštine Privrednog društva "Regionalna deponija Mošćanica" d.o.o. Zenica sljedeći:

I Z V J E Š T A J
O RADU NADZORNOG ODBORA PRIVREDNOG DRUŠTVA
"REGIONALNA DEPONIJ A MOŠĆANICA" D.O.O. ZENICA U 2022. GODINI

1. Imenovanje Nadzornog odbora

Nadzorni odbor Privrednog društva "Regionalna deponija Mošćanica" d.o.o. Zenica imenovan je Rješenjem o imenovanju Nadzornog odbora, broj: 02-45-2513/21 od 08.02.2021. godine, kojeg je donio Gradonačelnik Zenice postupajući u funkciji Skupštine ovog Društva. Nadzorni odbor je imenovan na mandatni period od četiri godine (2021.-2024.) u sljedećem sastavu:

- Sabira Helvida, dipl.ing.građ.
- Jakuta Imširović, dipl.ing.maš.
- Adnan Bajramović, dipl.ekonomista.

Rješenje o imenovanju Nadzornog odbora objavljeno je u „Službenim novinama Grada Zenica“, broj: 3/21 od 08.03.2021. godine.

U skladu sa članom 250. Zakona o privrednim društvima FBiH, na konstituirajućoj sjednici održanoj dana, 24.02.2021. godine članovi Nadzornog odbora su za predsjednicu Nadzornog odbora izabrali Sabiru Helvida.

Osnivanje, djelokrug rada, prava i odgovornosti Nadzornog odbora propisani su Zakonom o javnim preduzećima u FBiH, Zakonom o privrednim društvima FBiH, Statutom Društva, te Poslovníkom o radu Nadzornog odbora.

Poslovníkom o radu Nadzornog odbora detaljnije je uređen način rada Nadzornog odbora, a naročito prava i dužnosti predsjednika i članova Nadzornog odbora, sastav i nadležnost Nadzornog odbora, pripremanje i sazivanje sjednice, tok rada i odlučivanje na sjednici, vođenje zapisnika o radu na sjednici, odlaganje i prekid rada sjednice i druga pitanja od značaja za rad Nadzornog odbora.

U skladu sa navedenim aktima, na sjednicama Nadzornog odbora su u 2022. godini razmatrana najznačajnija pitanja o radu i poslovanju PD "RDM" d.o.o. Zenica, a sve odluke su nakon provedenih rasprava donesene konsenzusom.

2. Ostvarivanje funkcije nadzora i rad Nadzornog odbora u 2022. godini

U ostvarivanju funkcije nadzora nad radom Privrednog društva "Regionalna deponije Mošćanica" d.o.o. Zenica, Nadzorni odbor je od strane direktora i njegovih saradnika bio informisan o finansijskim i ostalim aspektima poslovanja Društva, kao što je: saradnja i odnosi sa lokalnom zajednicom, provođenje procedura javnih nabavki i realizacija ugovora, naplata potraživanja, uslovi rada na odlagalištu Regionalne deponije i dr. Pored toga, Nadzorni odbor je u 2022. godini razmatrao Godišnji obračun rezultata finansijskog poslovanja, kao i Izvještaj ovlaštenog revizora o izvršenoj reviziji finansijskih izvještaja Društva za 2021. godinu, kojim se detaljnije upoznao o finansijskom aspektu poslovanja.

Rad Nadzornog odbora odvijao se na sjednicama, koje su zakazivane i održavane u skladu sa Poslovníkom o radu Nadzornog odbora. U toku 2022. godine Nadzorni odbor je održao 6 redovnih sjednica na kojima je razmatrao 57 tačaka dnevnog reda i pri tome je donio 28 odluka i 9 zaključaka. Sve navedeno je imalo za cilj ostvarivanje uspješnog funkcionisanja Društva i ostvarivanja pozitivnog rezultata poslovanja. U donošenju odluka i zaključaka Nadzorni odbor je, nakon temeljitih diskusija, po svim pitanjima bio jednoglasan.

Nadzorni odbor je na svim sjednicama radio i odlučivao u punom sastavu. Članovi Nadzornog odbora u radu su ispoljili puni angažman u ostvarivanju obaveza i zadataka iz svoje nadležnosti. Međusobna saradnja članova Nadzornog odbora, kao i saradnja Nadzornog odbora sa direktorom Šabani Adnanom i njegovim saradnicima je bila dobra i korektna.

Na sjednicama su uredno vođeni zapisnici u kojima su konstatovane sve bitne informacije o razmatranim tačkama dnevnog reda, odluke i zaključci, a svi materijali za sjednice su blagovremeno pripremani i dostavljani u skladu sa Poslovníkom o radu Nadzornog odbora.

Nadzorni odbor je na sjednicama u okviru svojih, Zakonom i Statutom propisanih nadležnosti i ovlaštenja, kroz dijalog sa Direktorom, razmatrao i odlučivao o svim bitnim pitanjima vezanim za poslovanje Društva, od kojih posebno izdvajamo:

- redovno na svakoj sjednici je razmatran i usvajan zapisnik sa prethodne sjednice, te analizirana realizacija odluka i zaključaka Nadzornog odbora sa prethodnih sjednica,
- također, na svakoj sjednici je razmatrana informacija direktora o aktuelnim pitanjima iz domena rada i poslovanja Društva, kao i informacija o provođenju postupaka javnih nabavki i realizaciji ugovora,
- Donošenje Poslovnika o radu Nadzornog odbora
- Prijedlog Cjenovnika o uslugama odlaganja pojedinih vrsta neopasnog industrijskog otpada
- Prijedlog Cjenovnika za usluge odlaganja građevinskog otpada
- Prijedlog Trogodišnjeg plana poslovanja "RDM" d.o.o. Zenica za period 2022.-2024. godina
- Prijedlog Plana javnih nabavki Društva za 2022. godinu
- Razmatranje Izvještaja o godišnjem popisu osnovnih sredstava, opreme i sitnog inventara Društva i Izvještaja o popisu novčanih sredstava (obaveza i potraživanja) Društva sa stanjem na dan 31.12.2021. godine,

- Prijedlog Odluke o otpisu i isknjiženju iz knjigovodstvene evidencije osnovnih sredstava Društva,
- Prijedlog Odluke o otpisu i isknjiženju iz knjigovodstvene evidencije neispravnih i neupotrebljivih auto-guma, kancelarijskog inventara, sitnog alata i HTZ opreme,
- Razmatranje i usvajanje Godišnjeg obračuna rezultata finansijskog poslovanja Društva za 2021. godinu,
- Razmatranje i usvajanje Izvještaja ovlaštenog revizora o izvršenoj reviziji finansijskih izvještaja Društva za 2021. godinu,
- Razmatranje prijedloga direktora za raspored dobiti ostvarene u 2021. godini i donošenje Zaključka o saglasnosti Nadzornog odbora na prijedlog direktora o načinu rasporeda dobiti iz 2021. godine,
- Razmatranje Izvještaja o poslovanju "RDM" d.o.o. Zenica za 2021. godinu,
- Razmatranje Izvještaja o radu direktora u 2021. godini,
- Prijedlog Odluke o ispravci greške u knjiženju knjigovodstvene vrijednosti dugotrajne imovine – ćelije 1-5, faza I,
- Prijedlog Odluke o metodama i stopama obračuna amortizacije osnovnih (stalnih) sredstava,
- Prijedlog Pravilnika o uređenju i vršenju nabavne funkcije unutar "RDM" d.o.o. Zenica,
- Prijedlog Pravilnika o računovodstvu,
- Razmatranje i usvajanje Pravilnika o izmjenama i dopunama priloga broj 1. Pravilnika o radu – "Organizacija i sistematizacija radnih mjesta",
- Izbor vanjskog revizora za reviziju finansijskih izvještaja Društva za 2022. godinu,
- Razmatranje Izvještaja o donacijama i pomoći lokalnoj zajednici dodijeljenim u toku 2022. godine,
- te niz drugih pitanja iz nadležnosti Nadzornog odbora i aktuelnih pitanja iz domena rada Društva.

Kao što se iz naprijed izdvojenih tačaka dnevnog reda sa sjednica Nadzornog odbora vidi, Nadzorni odbor se redovno informisao o svim bitnim aktivnostima u radu Društva. O svim zapažanjima i sugestijama su vođene konstruktivne rasprave na osnovu kojih su donosene odluke i zaključci koji su bili u cilju uspješnog rada i poslovanja Društva.

Najveću pažnju Nadzorni odbor je posvećivao urednom izvršavanju osnovne djelatnosti Društva. U tom smislu konstatovano je da je Društvo u 2022. godini u kontinuitetu pružalo usluge zbrinjavanja otpada na ekološki prihvatljiv način, te da je pored toga uredno ispunjavalo i druge svoje zakonske i ugovorne obaveze u radu. U kreiranju poslovne politike Društva, posebna pažnja je posvećena izradi Trogodišnjeg plana poslovanja Društva za period 2022.-2024. godine, te izradi revidiranog Plana poslovanja za 2023. godinu, koji je nakon razmatranja i usvajanja na sjednici Nadzornog odbora dobio saglasnost Skupštine Društva. Na taj način Nadzorni odbor je bio aktivni sudionik u praćenju i provođenju poslovne politike Društva.

U ostvarivanju funkcije nadzora nad radom Društva, Nadzorni odbor je redovno pratio provođenje postupaka javnih nabavki. U tom smislu, na sjednicama su usvajani Planovi nabavki sa izmjenama i dopunama, te razmatrani su periodični i godišnji Izvještaji o provedenim postupcima nabavki, koja je direktor skoro redovno dostavljao u materijalu za sjednicu. Također, Nadzorni odbor je razmatrao i usvojio Pravilnik o uređenju i vršenju nabavne funkcije unutar Društva.

Pored toga, Nadzorni odbor je u prošloj godini usvojio i nekoliko drugih općih akata kojim su uređeni okviri za rad u području koji oni definišu. Tako npr; usvojena je izmjena i dopuna priloga broj 1. Pravilnika o radu – "Organizacija i sistematizacija radnih mjesta, zatim Pravilnik o računovodstvu i Poslovnik o radu Nadzornog odbora.

3. Rezime rada i poslovanja Društva u izvještajnom periodu

Članovi Nadzornog odbora su jednoglasni u ocjeni da je sveukupno poslovanje Društva u 2022. godini bilo veoma dobro i mišljenja su da je Nadzorni odbor svoju funkciju u pogledu upravljanja i nadzora nad radom Uprave obavio uspješno, što potvrđuje činjenica da je Društvo ispunilo svoju funkciju u ekonomskom, tehnološkom, ekološkom smislu.

U finansijskom poslovanju Društvo je ostvarilo ukupan prihod u iznosu od 3.918.966 KM, dok su rashodi iznosili 2.382.804 KM, te na kraju poslovne godine ostvaren je pozitivan finansijski rezultat, odnosno neto dobit u iznosu od 1.338.262 KM. Ovdje treba imati u vidu da u navedenoj dobiti se nalazi dio oprihodovanih sredstava Vlade FBiH i drugih donatora u iznosu od 204.763 KM, koje Društvo svake godine čini, kako bi smanjilo ukupno porezno opterećenje.

Bitno je ovom prilikom napomenuti činjenicu da Društvo redovno izvršava svoje finansijske obaveze i da je bilo likvidno u svakom trenutku, uz posebnu napomenu da je Društvo izmirilo četiri anuiteta kredita prema Svjetskoj banci u iznosu od 946.583,00 KM. Društvo je do sada na ime otplate anuiteta kredita prema Svjetskoj banci (broj kredita: WB-IDA 3672 i WB-IDA 3672-1) sa troškovima servisiranja kredita uplatilo ukupan iznos od 10.376.946,30 KM. Kredit se redovno otplaćuje već 13 godina i zadnje rate za otplatu dospijevaju u 2025. godini za kredit broj WB-IDA 3672 BOS/ZE odnosno u 2027. godini za kredit WB-IDA 3672-1 BOS/ZE.

U tehnološkom smislu Društvo je ispunilo svoju funkciju, jer je uspjelo u kontinuitetu pružati usluge prijema, kontrole i deponovanja otpada svim klijentima, te u finansijskom smislu uspjelo je održati balans između realiziranih prihoda i ostvarenih troškova poslovanja. Ovo je jedan od bitnih uslova za normalno funkcionisanje Društva za naredni period, u smislu planiranog priliva finansijskih sredstava i ispunjenja obaveza prema društvenoj zajednici i uposlenicima.

Treba još napomenuti da Regionalna deponija "Mošćanica" u kontinuitetu radi već 15 godina i da su neka osnovna sredstva za rad na Deponiji dotrajala i neophodno ih je postepeno mijenjati novim. Tu prije svega mislimo na nabavku novog buldozera, bez kojeg je rad na deponijama nezamisliv i za šta je već sada izražena potreba nakon izgradnje i stavljanja u funkciju nove odlagališne kasete. U tom smislu, u toku ove godine očekuje se isporuka novog buldozera, koji će se finansirati putem lizinga, a nakon te isporuke vjerovatno će se postojeći buldozer staviti na licitaciju za prodaju. Također, službena vozila su stara oko 15-20 godina, pa je Društvo u prošloj godini nabavilo novo vozilo i uspjelo putem licitacije prodati staro vozilo. U Planu za ovu godinu je također, nabaviti jedno novo i prodati staro vozilo. U narednim godinama opredjeljenje Menadžmenta Društva bi trebalo da bude usmjereno na postepeno obnavljanje zastarjele opreme i mehanizacije, koja je već sada amortizovana i čiji će troškovi održavanja biti sve više izraženi.

Ukratko bih još spomenuli i ostale nvesticije odnosno projekte čija realizacija je započeta krajem 2022. godine i izvijesno je da će se realizirati u 2023. godini. U tom smislu pri kraju su radovi na izvođenju pripremnih zemljanih radova na petoj ćeliji kasete broj 2., čijom realizacijom će u značajnoj mjeri biti olakšana potpuna izgradnja nove odlagališne ćelije, čija površina iznosi cca 3,5 ha. U toku su i aktivnosti na izgradnji solarne fotonaponske elektrane čijom realizacijom će Društvo prodajom električne energije ostvariti dodatni izvor prihoda ili će u značajnoj mjeri umanjiti svoje troškove na utrošku električne energije. Također, u Planu je nekoliko drugih projekata da se realiziraju u ovoj godini, kao što je nabavka i produženje kolske vage, nabavka postrojenja za prečišćavanje deponijskog filtrata i dr., čijom realizacijom će se poboljšati uslovi rada na Deponiji.

4. Ocjena stanja u Društvu i rada direktora Društva

Generalna ocjena stanja u Društvu jeste da je Društvo u punom kapacitetu ostvarilo ulogu koju joj je Osnivač povjerio, a to je kvalitetno pružanje usluga zbrinjavanja otpada na ekološki prihvatljiv način u skladu sa Zakonom o upravljanju otpadom. Društvo je tokom 2022. godine bilo solvetno i uredno je izmirivalo svoje obaveze prema državnim organima, dobavljačima, radnicima i dr.

U ovom izvještajnom periodu direktor Šabani Adnan je transparentno predstavljao sve aktivnosti Društva, pridržavajući se propisanih procedura. Uvijek je bio dostupan za komunikaciju sa Gradskom upravom, Nadzornim odborom, radnicima, poslovnim partnerima, predstavnicima lokalnih mjesnih zajednica i medija. Redovno je prema Nadzornom odboru upućivao sve akte iz nadležnosti Nadzornog odbora, poštivajući preporuke i odluke Nadzornog odbora, te je blagovremeno implementirao iste.

S toga Nadzorni odbor cijeni da je direktor u izvještajnom periodu uspješno rukovodio Privrednim društvom "Regionalna deponija Mošćanica", da je prema imovini i finansijskim sredstvima Društva ponašao se na racionalan i ekonomičan način, te da su stalnim aktivnostima i poslovnom politikom ostvareni planom postavljeni zadaci, što je uticalo da Privredno društvo "Regionalna deponija Mošćanica" d.o.o. Zenica i u 2022. godini više jača i razvija se po svim pokazateljima (tehničkim i ekonomskim).

Imajući u vidu naprijed navedeno, Nadzorni odbor daje **pozitivnu ocjenu o radu direktora Šabani Adnana za 2022. godinu.**

Zenica, april 2023. godine



**Predsjednica
Nadzornog odbora**


Sabira Helvida, dipl.ing.građ.